


20
21
22
23
24
25
26
27
28
29
30
31
32
33
34
35
36
37
38
39
40

440
865
12




吉
140
855

瑞 狹




孫顯



春仲

集

吉
140
855



瑞 狹

瓊

集

康申春仲

呂儁孫題




梅溪居士縮臨唐碑題跋
翁同龢

梅溪居士縮臨唐碑題跋

呂覽有言蓋學者如食鷄必食其跖數千而後足唯善
亦然多看以取其意多寫以會其神如是而已梅溪洵
解人哉東坡有骨肉血之說予釋之曰骨壘也肉墨也
血貫骨肉之間氣也梅溪得骨天成風神絕世再加意
于墨法當更得石罅靈和之致何如壬戌秋九月山舟
同書

錢君梅溪法直入漢人之室行楷亦於晉唐人三折
肱矣此二卷所臨唐碑以十數天資高妙形神並得洵



梅溪居士縮臨唐碑題跋



呂覽有言蓋學者如食鷄必食其跖數千而後足唯書亦然多看以取其意多寫以會其神如是而已梅溪洵解人哉東坡有骨肉血之說予釋之曰骨筆也肉墨也血貫骨肉之間氣也梅溪秀骨天成風神絕世再加意于墨法當更得右軍靈和之致何如壬戌秋九月山舟同書

錢君梅溪隸法直入漢人之室行楷亦於晉唐人三折肱矣此二卷所臨唐碑以十數天資高妙形神並得洵

可愛也余謂論書者輒曰晉唐然由晉而唐其間魏齊
隋碑存者甚多志山左金石於魏齊尤爲留意如韋
子深高湛刁遵諸碑刻不知爲何氏所書而卓然大家
實爲虞褚歐陽所從出也故予謂讀經當知徐遂明崔
靈恩等爲孔穎達陸德明所從出論書當知高湛等碑
爲虞褚諸家所從出也錢君曷訪之德州孫淵如觀察
得六朝碑字再寫之更取法于晉之後唐之前豈不大
備哉阮元跋

芸臺中丞此言爲唐楷源原予曩者頗持此論因附識

于此正與梅溪隸法足相證也蓋唐楷皆祖右軍而右
軍實原于周岐陽十鼓及漢人分隸今就漢隸以求唐
楷之正派則韓勅碑褚也孔宙碑虞也鄭固碑歐也魯
峻碑顏也若全六朝諸家以求津逮則虞法惟智永千
文而已歐法雖有姚秦金像銘時出宋人重刻已非真
跡獨孔宙北齊乾明元年碑殘泐之餘存者僅百許字
而篆隸正楷之法具備愚意直欲斷定此碑是北齊三
公郎中劉珉所書也褚法源遠流長指不勝屈以愚所
見無過於龍門山磨厓古驗方序常醜奴墓志二種矣

而梁上清真人許長史舊館壇碑何義門徐壇長皆目見之今在誰氏篋中此梅溪尊兄所宜寤寐求之者也附急系於此以申禱切嘉慶乙丑夏五月望一日方綱唐楷追晉法推化度九成廟堂三碑此趙子固所評實千古定論也山谷謂張長史郎官石記序唐人正書無出其右此語特爲世人專賞長史草書而發耳非必謂冠唐楷也弇州乃真以爲化度九成皆爲之退避三舍其信然耶郎官記真宋拓海內止有一本卽弇州昆仲跋者今爲宋芝山所收藏梅溪尊兄試往觀之雖具晉

人神理究當居此三碑之次耳嘉慶乙丑夏仲方綱

芸臺中丞見梅溪二兄所臨唐碑縮本屬訪余德州求六朝刻石再摹之去年得北魏高貞碑於衛河第三屯正思搨寄梅溪適以今年七月晦日過我又閱所摹各碑益服其精妙惜無好事者爲之刊石因語及在安德曾見縮本蘭亭聖教十三行諸本小石刻前有仇十州爲王元美寫小像知是弇州藏本購之未得又以宋人寫本鐘鼎欵識與梅溪共觀中有石鼓文字完備乃知楊升庵所見李賓之家十鼓全本並非偽造亦擬臨摹

上石再附記於左以識勝賞嘉慶十年秋夕孫星衍書
古人書法不同用筆則一得筆則清奇穠淡各極其妙
不必問其似不似也梅溪臨書其得此意乎聊識數字
歸之鑄保

昔人言法上得中世之言書者於宋則曰蘇黃蔡米四
家四家皆從唐人出而追蹤乎右軍僅學四家書未見
其有當於四家也雖然學唐人書果卽有當於唐人耶
余嘗謂平原率更從隸出誠懸則得訣于篆梅溪固深
于篆隸者宜其臨唐人書無不神肖也願與世之深于

書者共證之榕臯潘奕雋記

此卷名爲縮本而筆勢寬展有餘米元章所謂小子如
大字者梅溪得之矣嘉慶丁卯暮春北平清安泰并識
嘉慶丁丑端陽日韓城師亮采禹門錢唐王豫康吉甫
仁和單壽昌松年祿昌藹臣蕪湖金鐸葉山錢唐陳鴻
壽舅生同觀於清江浦之春暉書屋體大思精無不歎
爲偉觀也舅生題記

余自幼喜臨唐帖顧以抗塵走俗未能專精於此今棣
溪先生以縮臨唐帖諸卷見示收鉅觀於細指含晉韻

于唐法真能取其神髓余家藏安素軒所藏爲之減色
矣嘉慶二十三年歲次戊寅夏五月二十五日讓參鮑
崇城拜觀并識

梅華溪居士縮臨唐碑題跋目錄

新建觀音寺碣

孔子廟堂碑

皇甫誕碑

寶室寺鐘文

昭仁寺碑

化度寺造禪師碑

九成宮醴泉銘

汝南公主墓誌



文安縣主墓誌

王居士塋塔銘

道因法師碑

三藏聖教序

同州本

李文墓誌

三藏聖教序

懷仁本

王徵君碑

杳冥君碑

石淙詩

戒壇記

無上孝明高皇后碑

法琬法師碑

景龍觀鐘文

郭思訓墓誌

少林寺戒壇銘

賀蘭氏夫人墓誌

法藏禪師碑

曲阜孔子廟碑

淨業法師碑

述聖頌

鄔國公主碑

紀泰山銘

雲居寺詩

嵩岳少林寺碑

興聖寺法澄塔銘

鍊像碑

大智禪師碑

郎官石柱題記

端州石室

告華岳文

嵩陽觀紀聖碑

石臺孝經

多寶塔銘

東方朔畫贊

張安生墓誌

范陽憫忠寺碑

張惟一祈雨疏

郭敬之家廟碑

王訓墓誌

中興頌

麻姑仙壇記

八關至會碑

千祿字書

如願律師碑

茅山元靖先生李含光碑

元次山碑

顏魯公告勅

朱巨川告勅

顏氏家廟碑

不空和尚碑

吳嶽祠堂碑

諸葛武侯新廟碑

慶公神祠碑

張公夫人樊氏墓誌

諸葛武侯祠堂碑

天王燈臺

浯溪詩

邠國公功德銘

西平王碑

元秘塔碑

李紳告

圭峰禪師碑

霍氏夫人墓誌

程修己墓誌

范疇告身

解進墓誌

處士包公夫人墓誌


黃公石祠記

石井闌記

賜盧正道勅

李公石浮屠銘

賜武肅王鍊券



唐碑題跋

金匱錢泳梅溪氏撰當湖孫錫柱校訂

新建觀音寺碣

右觀音寺碣陸德明撰按新唐書高祖紀武德四年五月壬戌秦王世民敗竇建德于虎牢執之戊辰王世充降撰文在五年當由建寺竣而立碑也德明吳人隋大業中嘗授國學助教越王侗署為司業世充平秦王辟為文學館學士其時尚未授職故仍舊銜

孔子廟堂碑

推誠奉義詔戴功臣永興軍節度管內觀察處置
等使特進檢校太師兼中書令行京兆尹上柱國
瑯琊郡開國公食邑四千戶食實封一
千三百戶王彥超再建 安祚刊字

右孔子廟堂碑虞世南撰并書在陝西西安府學五代
王彥超重刻本也按太宗以武德九年八月即皇帝位
十二月詔封孔子重修聖廟貞觀七年廟始成碑之建
即此時也碑始立時僅拓數十紙賜王公近臣後廟火
而碑亦燬至武后時再刻原額有大周孔子廟堂之碑
八字大中五年國子祭酒奏請琢去偽號從大唐今額
但存孔子廟堂之碑六字蓋承宣宗時所琢之本而重

刻者也元人虞堪云近定陶河決出有虞永興孔子廟
堂碑又王阮亭居易錄載城武縣亦有一碑是皆從唐
搨重摹者今彥超本亦不全已分三段剝蝕二百餘字
惟商邱陳伯恭學士家有一本完好無闕尙是宋時舊
拓

皇甫誕碑

右皇甫君碑舊在陝西咸寧縣之鳴犢鎮墓前今移西
安府學按皇甫誕字元憲隋大業中人後以子無逸仕
于唐始為追建然不載立碑年月趙明誠金石錄注云

貞觀中立顧寧人金石文字記亦列是碑于貞觀之間
碑文中所載官爵籍貫字號與北史隋書小有異同碑
云誕字元憲兩史作元慮碑云安定朝那人北史作安
定三水人隋書作安定烏氏人碑云授廣州長史兩史
作魯州刺史所歷官爵亦繁簡不同俱當以碑爲正也
寶室寺鐘文

右寶室寺鐘銘不著撰書人名今在陝西邠州城南樓
上國朝康熙初因河決而出土銘詞書法俱妙初唐人
筆也文云貞觀三年攝提在蕤賓御律案三年是己丑

今云攝提恐誤

昭仁寺碑

右昭仁寺碑在陝西邠州長武縣鄭樵通志金石畧謂
虞永興書或謂歐陽通書關中金石記又云是王知敬
書余嘗見古人立碑記事爲重撰書姓名或著或不著
非所計也撰文旣爲子奢書碑其筆耳惟碑中書世字
皆不缺筆豈當時奉勅撰書不避耶長武縣在邠州西
八十里太宗與薛舉戰處舊唐書太宗紀貞觀三年十
二月癸丑詔爲義士勇身戎陳者各立一寺此其一也

子奢新唐書有傳

化度寺邕禪師碑

右化度寺僧邕禪師舍利塔銘案解大紳春雨集載河南范諤跋尾云慶厯初其高王文開府公諱雍舉使關右厯南山佛寺見斷石碱下視之乃此碑稱歎以爲至寶寺僧誤會謂石中有寶破石求之不得棄之寺後公他日再至則石爲三段蓋是碑在宋時已無全本今所傳一鱗片爪皆剝蝕不全者也近日好古家時得宋搨集錄全文較王氏金石萃編尤爲完備今從成邱書本

錄出尙見率更典型也

九成宮醴泉銘

右九成宮醴泉銘在陝西麟遊縣西五里之天臺山曾南豐云九成宮卽隋之仁壽宮徵爲此銘欲使太宗以隋爲戒也蓋因隋氏之壯麗歸唐德之儉損頌中寓諷最爲得體此碑自宋以來爲海內所寶重椎拓旣多字畫遂細雖宋拓本亦多闕字至有明中葉復爲俗工深鑿以至不成形體故有已鑿本未鑿本之名惟吳門蔣氏仙根有唐拓重刻本則一字無損猶能讀元城之全

文見信本之真蹟耳

汝南公主墓誌

右汝南公主墓誌草稿無撰書人姓名宣和書譜米芾書史皆載爲虞世南書未行有貞觀十年十一月丁亥朔十六日下缺無銘詞蓋不全本也據書史云在洛陽王護處見摹本其真蹟在洛陽好古家後十年見真蹟在故相張公之孫清直處文衡山甫田集云元初在郭祐之家後不知所在亦不知何年上石國朝乾隆中鎮洋畢秋帆尙書撫河南時得一卷有李東陽王世貞諸

跋刻經訓堂帖則墨跡至今猶存未知卽米元章郭祐之所見本否按公主爲太宗次女今碑文作三女新唐書但有汝南公主早薨六字其諱字無攷高祖紀李氏爲隴西成紀人則公主當仍其藉貫如文安縣主墓志亦書隴西成紀人此碑稱狄道殊不可解然比邱尼法琬師是中宗之三從姑亦稱狄道人也

文安縣主墓誌

右文安縣主墓志無書撰人名亦不載于諸家著錄是近時關中新出土者碑載縣主之父爲巢刺王劼按新

唐書高祖二十二子三曰巢刺王元吉劼卽元吉也縣
主下嫁段儼儼爲工部尙書駙馬都尉紀國公文振子
文振見北史隋書俱有傳而新唐書諸公主傳作杞國
公則杞爲紀之譌當以碑文爲正

塽塔銘

右王居士塽塔銘上官靈芝製文敬客書書法甚似褚
中令而結構精嚴處雖雁塔同州兩聖教及孟法師諸
碑亦無以過之此碑明末出土向在西安府城南百塔
寺初出時已裂爲三字尙完好後爲官吏遣工人入寺

椎拓寺僧不勝其擾以石擊之分爲十餘塊今且亡矣
上官靈芝王蘭泉司寇以爲卽上官儀之子敬客無攷
或曰亦姓上官與李輔光碑巨雅不著姓同例

道因法師碑

右道因法師碑在陝西西安府學歐陽通書卽率更令
詢之子通早孤未得率更親授求父書不惜重貲力學
不倦其用筆每橫皆有波法是學房定公碑也

聖教序

同州本

右同州聖教序在陝西同州倅廳後有龍朔三年六月

二十三日建字樣按舊唐書褚遂良傳永徽元年出爲同州刺史三年徵拜吏部尚書顯慶三年卒于愛州至龍朔三年已歿五年矣金石萃編謂是後人重其書法之工風節之峻故追刻之其有龍朔年月者乃後人所增非褚筆也

李文墓誌

右李文墓志銘在陝西同州金塔寺不著書撰人姓氏而文甚典麗書亦精嚴王虛舟謂與磚塔銘同一手惟刻工惡劣不及磚塔銘遠矣

聖教序

懷仁集本

右集書聖教序在陝西西安府學書苑云唐文皇製聖教序都城諸釋氏咸諉懷仁集王右軍書勒石累年方就蘭亭真蹟盡萃其中其結體大小皆合而偏旁頗多假借蓋集書者不得不然自勒石後卽爲世珍重當時李北海吳通微蘇靈芝諸人從此脫胎有院體之目至宋初翰林侍書輩亦皆學之卽以之書誥勅文牒遂流爲俗體矣蓋右軍用筆道媚難于尋繹非如歐虞褚薛之書有門徑可尋也

王徵君碑

右王徵君臨終口授銘在河南登封縣老君洞南其弟
正議大夫紹宗書張懷瓘書斷云紹宗字承烈江都人
其兄元宗隱嵩山號太和先生傳黃老術即徵君也紹
宗工書當時人以虞伯施比之此碑楷法遒勁實兼歐
虞之長

杳冥君銘

此碑正書本無書人名案鄭樵通志以為薛稷書
何氏焯曰此學褚公書者以其無姓名後人遂歸
稷之薛

右杳冥君銘薛稷為文并書見戲鴻堂帖案兩唐書稷
為魏徵之甥家富圖籍稷精摹仿筆致迺麗與歐褚並
稱第所傳碑版甚少杳冥君者亦如陳子昂冥莫君之
比銘前必有序文緣起此僅存其銘也

石淙詩

右武后游石淙詩在河南登封縣石淙山北崖上薛曜
書武后以久視元年夏行幸嵩山賦石淙詩並序其侍
游應制者為皇太子顯以下十六人兩唐書本紀俱未
載前人論曜書如瘦籀頓折處若有腫節是書家別體

信然

戒壇記

右會善寺戒壇記在河南登封縣陸長源撰陸郢八分書按長源吳人新唐書有傳陸郢善分書見趙氏金石錄

無上孝明高皇后碑

據梅溪居士云此碑已亡蓋母氏之誤今咸陽縣庫中有此碑僅存三石約二百餘字吾鄉徐南州刺史宰咸時復搜得一石一海今石共有四矣余于甲辰歲道經咸陽得見此碑摩挲竟日拓數紙以歸雖云零落之餘而古刻之幸存者以傳不朽亦有幸不幸也道光二十六年歲在丙午九

月重陽後一日時俸滿考驗在省客窗無事因假吳竹琴刺史所藏錢梅溪先生縮臨唐碑石刻錄其跋尾并三錫識

右大周無上孝明高皇后碑銘梁王武三思奉勅撰相王旦奉勅書此武后追尊其母楊氏而立也其時睿宗為相王為書是碑舊在陝西咸陽前明萬曆乙卯地震而仆縣令取其石築河岸今已亡矣海昌查氏有一本當是宋時楊本然已不全孫淵如觀察嘗為雙鈎刻石今立虎邱孫子祠中世謂之順陵碑者是也

比邱尼法琬碑

右比邱尼法琬法師碑在陝西西安府學按法琬爲中宗之三從姑太祖景皇帝之元孫女父臨川公德懋官宗正卿兵部尙書謚曰孝皆史所不載德懋請捨所愛女爲亡父祈福奉勅聽許可謂溺于習俗矣

景龍觀鐘文

右景龍觀鐘銘在陝西西安府城按察司署唐睿宗御書也睿宗書惟孔子廟堂碑額及順陵碑與此爲三正書之中雜以篆隸絕似興和李仲璇碑

按鐘在長安縣東迎祥觀卽唐之朱雀街逼近按察司衙署其鐘樓可望司署內室故不令碑工椎拓每

于新舊任交御之際方許拓之俗云拓之卽有火災拓時以絮塞其中此言之妄也錢氏謂在按察司署中則更誤矣惟近有摹本余所得數本皆臬司廳督拓者其真本無疑矣孫三錫識

郭思訓墓志

右郭思訓墓志銘在河南洛陽史家灣王氏無書撰人名按思訓有弟思謨官雍州武功縣尉亦有墓志兄弟俱應孝弟廉讓科可想見其家風之美而河南府志洛陽縣志俱不載可補其闕

少林寺戒壇銘

右少林寺戒壇銘括州刺史李邕書又一刻爲南館學

生張傑書當時蓋有兩刻也王蘭泉少冠謂此碑建于
開元三年正月攷其時邕在崖州與少林相距甚遠寺
僧立此小碣未必能跋涉遠求疑託名邕書以取重耳
賀蘭夫人墓志

法藏禪師塔銘

右淨域寺法藏禪師塔銘鄉貢進士田休光撰文碑云

曾祖訾吳郡太守大父穎隨朗州刺史父禮唐少府監
俱不見于諸史所稱隋信行禪師撰三階集錄數十卷
經籍藝文二志亦未載也碑首第一行作八分書亦僅
見

曲阜孔子廟碑

右脩孔子廟碑在山東曲阜孔廟李邕文張廷珪書案
舊唐書廷珪與陳州刺史李邕稱善屢上表薦之邕所
撰碑必請廷珪八分書之此其一也碑陰刻唐宋金元
人題名十三段

淨業法師碑

右香積寺主淨業法師靈塔銘在陝西長安縣香積寺
正字畢彥雄文而無書人姓名筆法在虞褚之間恐亦
雄所書也

述聖頌

右述聖頌在陝西華陰縣岳廟中達奚珣撰序呂向撰
頌并書無年月頌以述聖名者以元宗有西岳碑銘因
爲述而頌之也按唐本紀開元十二年十一月庚午如
東都想西岳碑卽建于是時此碑當立于十三年無可

疑者今西岳碑旣燬惟存其跌而此碑完好無缺其存
佚似亦有數也

碑額尙述聖頌三字碑陰額題開元十三年錢氏蓋未見額陰耳孫三錫識

鄜國公主碑

右鄜國長公主神道碑銘元宗隸書在陝西蒲城縣案
是碑載文苑英華及唐文粹諸金石家並載之俱小有
異同如上柱國下無兼字玉笄耀首句上脫及乎二字
天人晝哭作夫人悲蕙草草先化作瑤草降恩札于雲
露作恩禮山是洽陽作治陽俱當以碑爲正公主初嫁
薛敞後嫁鄭孝義新舊唐書皆載之不諱而金石錄補

譏之案唐書諸公主傳改嫁者凡二十六人不獨鄆國也

紀泰山銘

右紀泰山銘在山東泰安東岳廟後磨崖南向高二丈九尺廣一丈七尺字大徑六七寸許自漢以來碑碣之高大雄壯莫有過於此者按新舊唐書冊府元龜唐文粹及岱史泰安志俱載此文各有不同蓋碑身高大難讀雖有拓本可據亦自殘缺模糊故互异耳近阮芸臺宮保作山左金石志辨之甚詳

雲居寺石浮圖銘

右雲居寺石浮圖銘在直隸易州碑立于開元十五年建者爲范陽鄭元泰其人殆無祿位者乃竭產罄工以祝上帝萬壽先人百福殆亦釣奇之士

嵩嶽少林寺碑

右嵩岳少林寺碑在河南登封縣少林寺鐘樓下裴灌撰書按新舊唐書灌皆有傳其封正平縣子則史所失載灌書秀勁有歐虞遺法而當時無書名何也

興聖寺法澄塔銘

右興聖寺主尼法澄塔銘在西安府咸寧縣城外馬頭空上柱國嗣彭王志暎撰書碑云志暎爲宗正卿此唐書宗室世系表所未載其女爲法澄弟子故爲撰文唐代佞佛以帝胄之貴尙有出家者亦愚矣哉

鐵像碑

右蘇靈芝書鐵像碑頌在直隸易州碑載盧君開北山通車道三所置縣三害必革利必興又唐書地理志載盧暉自東城平舒引滹沱河入淇通漕溉田五百餘頃又徙永濟渠自石灰窠引流至城西注魏橋以通江淮

之貨則盧君居官所至興建實當時之循吏郡人爲之立碑頌德宜哉靈芝之書豐腴開展介乎平原北海之間後世惟趙榮祿得其秘奧

大智禪師碑

右大智禪師碑銘在陝西西安府學中書侍郎嚴挺之撰殿中侍御史史惟則書并篆額碑陰小記亦惟則書也前碑豐腴後碑瘦勁俱爲絕作昔人論分隸稱惟則爲開元時第一寶氣述書賦亦云古今折衷大小應變當在徐少師上

郎官石柱題記

右尚書省郎官石記序陳九言撰張旭正書此碑宋時已不存墨池編謂吳中有重刻本亦未見也嘉慶乙丑歲安邑宋芝山得一本後有王濟之及弇州昆仲題跋蓋陳眉公家藏董思翁嘗借以刻入戲鴻堂帖者長史真書此爲僅見

端州石室記

石端州石室記在廣東肇慶府城北數里七里岩斗光洞石壁上李邕撰記歐陽集古錄以爲張廷珪書未必

然也記中闕字甚多如邦伯畢公譌作早公是後來剜鑿之過今改正之

告華岳文

右告華岳文在陝西華陰縣西岳廟中與靈朝徹嶽廟文同一石此在上方韓賞撰韓擇木書按擇木爲昌黎伯同姓叔父歷官工部尚書散騎常侍然新舊書皆無傳杜少陵詩所謂尙書韓擇木騎曹蔡有鄰是也唐代工八分者甚多惟兩公之名最著

嵩陽觀紀聖碑

右嵩陽觀紀聖德感應頌崇元觀大學士晉國公李林甫奏上東京留守裴迥題額金部員外郎徐浩書丹碑甚高大在河南登封縣嵩陽書院完好無闕所記元宗命道士孫太冲設醮燒丹之事此碑與紀泰山銘俱可補元宗本紀之闕

石臺孝經

右石臺孝經在陝西西安府元宗御製注并書碑四面刻經注文多故不復及惟錄御製序及碑後李齊古上表明皇批荅並右丞相李林甫以下四十三人題名

多寶塔

右多寶佛塔感應碑文在陝西西安府學魯公書碑甚多惟此碑最前亦最著以其字畧小便于展玩臨摹也余嘗論干祿字書非不小然用筆方整古拙非初學所能倉及此碑則秀媚多姿方圓適中有牆壁可窺實顏書中別成一種書畫跋云字必帶俗乃入時眼真知言哉

東方朔畫像贊

右東方先生畫像贊碑陰記在山東德州與畫贊表裏

刻之碑立于天寶十三載是魯公拜郡之後一年再明年則祿山反河朔盡陷惟魯公在平原城守俱備溯其書碑立石年月正公陽會文士飲酒賦詩之時也碑中所謂殿中侍御史平公洌及閻李宋諸人咸以河北採訪使巡按狹至者卽祿山所使偵探之人也觀是碑可以想見公之風采矣

張安生墓誌

右張安生墓志銘在陝西西安府碑中韋氏竊權殘我王室提劍直入再清京兆云云指元宗誅韋氏睿宗卽

帝位之事

范陽憫忠寺碑

右范陽憫忠寺碑在京師前門外今名法源寺此史思明爲頌元宗而立也撰文者爲張不矜蘇靈芝書丹

張惟一祈雨疏

右華州刺史張惟一等祈雨記在述聖頌碑左側隸書四行金州刺史李權書案書史會要權爲唐宗室李平均叔也歐陽集古錄云唐代以分隸名家者四人韓擇木蔡有隣李潮史惟則余以爲尙不止此若徐浩張廷

珪梁昇卿戴干齡皆用筆端嚴尤在諸人上耳

郭家廟碑

右郭敬之廟碑在陝西布政司署卽汾陽王子儀之父也碑陰字略小歷敘其子及孫曾三世官爵較新舊書爲詳子儀本傳云廣德二年十一月以子儀爲尙書令上表懇辭荅詔不允家廟之建卽是時也王虛舟謂此碑雍容朗暢與魯公自書告身筆法相同今觀是碑實在告身上也

王訓墓誌

右王訓墓誌銘撰文者爲秘書監嗣澤王漙案宗室世系表漙者義洵之子也碑云祖同皎皇光祿卿駙馬都尉贈太子少保尙定安長公主則訓爲王同皎之孫矣訓亦娶嗣紀王鐵城之女尋逝而又尙博平郡主則同皎本傳所不載也

中興頌

右中興頌在湖南永州府祁陽縣磨崖字徑五六寸許瑰奇雄偉魯公一生傑作按新唐書元結傳上元二年拜荊州長史則次山之爲荆南節度判官亦在其時至

大曆六年夏六月始刻諸石時魯公官撫州刺史皆與史傳合

麻姑仙壇記

右麻姑仙壇記在江西建昌府南城縣魯公書此記有大小二本前人論之詳矣余謂大字是魯公原刻其小字者則宋人臨摹縮本也魯公平生書碑所見者不下三十餘種大皆徑寸干祿字書爲最小亦非蠅頭小書且諸碑皆書官位雖論坐稿亦然而此無之黃山谷嘗言小字麻姑壇記是慶曆中一學佛者所書又郡守季

鴈山跋謂近溪羅大叅家尙有褚河南虞永興歐陽率更薛稷柳河東李北海諸小楷則此本出此僧臨撫無疑其大字本有魯公銜名則原刻也

八關壘會碑

右八關壘會報德記在河南歸德府南門外上有亭覆之國初碑尙完好近下截皆剝蝕無餘字矣案此記爲河南節度使田神功寢疾宋州刺史徐向等爲禳祈報恩而立續文獻通考會昌五年上惡僧尼耗蠹天下凡毀寺四千六百餘區此碑當時亦在毀內是記大中五

年郡守崔倬重刻而非補書也故筆法但具形模無復魯公之雄傑矣

干祿字書

右干祿字書魯公刺湖州時書是編勒石至開成間石已殘闕宋孫莘老嘗取以置墨妙亭者是也歐陽集古錄所載有楊漢公本者乃重模此外尚有蜀本刻於紹興壬戌有楚本刻于寶祐丁巳國朝楊州馬曰璐又得宋槧本翻刻之其中用筆結體不過略存面目而唐韻之淆雜無從是正蓋由傳模失真以訛傳訛耳案新唐

書魯公以元載謗出爲撫州刺史旋改湖州今字書之末尙有大厯九年一行正其時也

如願律師碑

右如願律師墓誌在長安沙門飛錫撰隴西秦昊書碑云師諱如願俗姓李氏隴西申公之裔必是宗室之女也僧尼之化稱薨于此僅見

茅山元靖先生李含光碑

按趙氏金石錄有目無跋注云柳誠撰張從申書李陽冰篆大厯七年八月○何義門焯曰此李含光也別本先生上衍張氏誤

右茅山元靖先生廣陵李君碑在江南句容縣茅山玉
晨觀顏真卿撰並書原碑已闕僅存者二十三片乾隆
末年嘉定錢竹汀宮詹游茅山訪得之語于汪稼門制
府時制府方爲蘇州太守乃札句容縣學官徐彬余獻
等搜訪殘碑督工椎拓而復以宋拓舊本補綴完全然
與原刻有霄壤之隔矣

元次山碑

右容州都督兼御史中丞本管經略使元君墓碑在河
南魯山縣學碑四面刻與元靖家廟碑式相同碑載

